



Prishtinë, 05.07.2023
Kodi i ZRRE-së: V_1741_2023

Bordi i Zyrës së Rregullatorit për Energji

Duke u bazuar në:

- Nenin 9, paragrafi 1, nën-paragrafi 1.7, nenin 15 dhe 17 të Ligjit për Rregullatorin e Energjisë (Nr. 05/L-084);
- Nenin 17 dhe 18 të Rregullës për Zgjidhjen e Ankesave dhe Kontesteve në Sektorin e Energjisë;
- Vendimi i DMK-së të ZRRE-së: **ZRRE/DMK_V_2429_05_23** i dt.19.05.2023;
- Kundërshtimi i KESCO-s i datës **23.06.2023**.

në seancën e mbajtur më datë **05.07.2023** nxori këtë:

V E N D I M

- I. **REFUZOHET** kundërshtimi i KESCO-s ndaj vendimit të DMK-së, për konsumatorin B.I nga Komuna e Prishtinës, si e pa bazuar.
- II. **MBETET në fuqi**, vendimi i Departamentit për Mbrojtjen e Konsumatorëve në ZRRE, me nr. ZRRE/DMK_V_2429_05_23 i dt.19.05.2023.

A r s y e t i m

Departamenti për Mbrojtjen e Konsumatorëve në ZRRE, me datë 19.05.2023 ka marrë Vendim me nr. ZRRE/DMK_V_2429_05_23 me të cilin e ka aprovuar ankesën e konsumatorit, me të cilën ankesë e ka kontestuar përgjigjën e KESCO-s – Divizioni i Furnizimit – Departamenti për Konsumatorë të datës 31.03.2023 lidhur me kontestimin e korrigjimit plotësues nr. 101812DPR-90157202 datë 08.03.2023, për shkak të matjes jo të saktë të njehsorit elektrik nr.20058717.

I pakënaqur me Vendimin e DMK-së, i licencuari KESCO, brenda afatit ligjor ka paraqitur Kundërshtim në Bordin e ZRRE-së, për këto shkaqe:

- Kundërshton vendimin e DMK-së dhe konstaton se i njëjti është i padrejtë;
- Pretendon se korrigjimi nr. 101812DPR-90157202 datë 08.03.2023 është reale;
- Apeluesi KESCO kërkon nga Bordi i ZRRE-së që të pezullojë vendimin e DMK-së ZRRE/DMK_V_2429_05_23 i dt.19.05.2023 për konsumatorin B.I.

Bordi i Zyrës së Rregullatorit për Energji në mbledhjen e mbajtur me datë 05.07.2023 ka analizuar të gjitha shkresat e lëndës të prezantuar nga palët në kontest, si dhe vendimin e Departamentit për Mbrojtjen e Konsumatorëve dhe pas kësaj ka vërtetuar se vendimi i DMK-së si vendim i shkallës së parë është vendim i drejtë dhe i bazuar në prova konkrete.

Lidhur me pretendimin se korrigjimi nr. 101812DPR-90157202 datë 08.03.2023 është i saktë, Bordi pas shqyrtimit të të gjitha provave dhe shkresave si: Procesverbalin për pranimin e instalimit elektrik nr.



0071865 datë 07.06.2022 dhe Procesverbali mbi ndërrimin dhe heqjen e njehsorit elektrik nr. 0002875 datë 07.06.2021; Procesverbali i kontrollimit detal të njehsorit elektrik Nr.org.02Nr. 15893 datë 16.12.2022; korrigjimi nr. 101812DPR-90157202 datë 08.03.2023; Përgjigja e KESCO-s datë datës 31.03.2023; Ankesa e konsumatorit në DMK të ZRRE-së datë 12.04.2023; Vendimi i DMK-së ZRRE/DMK_V_2429_05_23 i dt.19.05.2023, Transaksionet e konsumatorit; Rrjedha e energjisë elektrike si dhe listat e leximi gjeti se korrigjimi nr. 101812DPR-90157202 datë 08.03.2023 nuk është i saktë, andaj nuk ka dyshime që vendimi i marrë nga DMK-ja është vendim i drejtë dhe i ligjshëm.

ZRRE ka vërejtur se, me datë 07.06.2021 punëtorët e autorizuar të KEDS-it për ndërrim njehsori kanë inspektuar piken matëse të konsumatorit ku kanë bere pranimin e instalimit elektrik per njehsoriin elektrik nr. 20058717 me gjendje TL=728 kWh dhe TU=428 kWh bazuar ne PEE nr.8754 datë 23.10.2015. Ekipet e KEDS-it kane evidentuar se me kërkesë te lidhjeve te reja bëjmë pranimin e njehsorit te montuar nga konsumatori si dhe bëjmë ndërrimin e te njëjtit. Po te njëjtën dite ekipi i KEDS-it ka larguar nga matja njehsoriin elektrik nr. 20058717 me gjendje TL=000728 kWh dhe TU=000424 kWh si dhe kanë vendosur për matje njehsoriin elektrik nr. 78478382 me gjendje TL=000000 kWh dhe TU=000000 kWh. Ekipet e KEDS-it kane evidentuar se me kërkesë te lidhjeve te reja bëjmë ndërrimin e njehsorit sepse njehsori paraprak nuk ka llogo te KEDS-it, dhe se njehsori i vjetër dërgohet ne qendrën e kalibrimit. Me datë 07.11.2022 punëtorët e autorizuar të qendrës së kalibrimit kanë bërë shqyrtimin e saktësisë së matjes të njehsorit elektrik nr. 20058717 ku është evidentuar gjendja e shpenzimeve TL=000728 kWh dhe TU=000424 kWh si dhe kanë konstatuar se: njehsori elektrik nuk është në rregull, njehsori elektrik bllobat(vulat) i ka në rregull, nga ana e jashtme njehsori elektrik dëmtime nuk ka kurse gabimi ne matje është **-81.37%**. Po ashtu kanë evidentuar si vërejtje që njehsori elektrik ndizet-fiket kohë pas kohe dhe njehsori elektrik është jashtë kufijve te lejuar te matjes per energji elektrike. Është pa llogo te KEDS-it. ZRRE ka analizuar procesverbalin e shqyrtimit te saktësisë dhe konstaton se njehsori elektrik nr. 20058717 është jashtë kufijve te lejuar te matjes te përcaktuar me Kodin e matjes e i cili është +2.5% kurse me datë 16.12.2022 punëtorët e autorizuar të qendrës së kalibrimit kanë bërë kontrollimin detal të njehsorit elektrik nr. 20058717 me gjendje te shpenzimeve TL=000728 kWh dhe TU=000424 kWh ku kanë konstatuar se: njehsori elektrik bllobat(vulat) i ka në rregull, nga ana e jashtme njehsori dëmtime nuk ka. Ne brendi te njehsorit komisioni nuk ka vërejtur ndonjë parregullsi.

Me datë 08.03.2023 Departamenti i faturimit në KESCO bazuar në procesverbalin e kontrollimit detal të njehsorit elektrik Nr.org.02Nr. 15893 datë 16.12.2022, protokollin e shqyrtimit të njehsorit elektrik Nr.org.02Nr. 15079 datë 07.11.2022 si dhe Kodit te Matjes së energjisë elektrike të OSSH nenit 4.11 përmes korrigjimit nr. 101812DPR-90157202 ka bërë korrigjimin plotësuese në vlerë **289.63€** duke bërë korrigjimin plotësues për faturën e periudhës 06/2021 . Bordi i ZRRE-së ka shqyrtuar korrigjimin plotësues të bërë nga Departamenti i faturimit në KESCO dhe konstaton se KESCO ka gabuar ne llogaritje, pasi qe korrigjimi i kWh per shkak te mos matjes se saktë te njehsorit elektrik nr. 20058717 per -81.37% për periudhën 06/2021 te vërtetuar edhe me protokollin e shqyrtimit të njehsorit elektrik Nr.org.02Nr. 15079 datë 07.11.2022 është dashur te behet per TL= 592 kWh dhe TU=345 kWh.

Bordi i ZRRE, gjithashtu ka konstatuar se i licencuari KESCO në ankesën e tij nuk ka ofruar asnjë provë bindëse për të vërtetuar faktin se vendimi i DMK-së si organ i shkallës së parë nuk është vendim i drejtë dhe i bazuar në ligje dhe rregulla, por që i njëjti në ankesë vetëm se e ka kontestuar vendimin e shkallës së parë në mënyrë të përgjithësuar, pa ofruar prova të arsyeshme.

Bordi i ZRRE-së në mbledhjen e mbajtur me datë 05.07.2023 pas analizimit të gjithë asaj që u theksua më lartë, e ne veçanti rrjedhën e energjisë elektrik, procesverbalin per pranimin e instalimit elektrik



nr. 0071865 datë 07.06.2022, procesverbalit mbi ndërrimin dhe heqjen e njehsorit elektrik nr. 0002875 datë 07.06.2021, korrigjimin nr. 101812DPR-90157202 datë 08.03.2023 dhe Kodit të Matjes së energjisë elektrike të OSSH ka vendosur si në dispozitivin e këtij vendimi.

- III. Vendimi nxirret në gjuhën shqipe dhe do të përkthehet në gjuhën serbe dhe angleze. Në rast të mospërputhjes në mes të versioneve, do të mbisundojë versioni në gjuhën shqipe.
- IV. Vendimi hyn në fuqi në datën e miratimit nga Bordi, dhe do të publikohet në faqen elektronike zyrtare të ZRRE-së.

Këshillë Juridike: Pala e pakënaqur me këtë Vendim mund të iniciojë konflikt administrativ në Gjykatën Themelore në Prishtinë, Departamenti për Çështje Administrative, brenda tridhjetë (30) ditëve nga data e pranimin të Vendimit ose data e publikimit të tij në faqen elektronike të ZRRE-së, cilado që ndodhë e fundit.

Bordi i ZRRE-së:

Ymer Fejzullahu, Kryesues

Lutfije Dervishi, anëtare

Gani Buçaj, anëtar

Vendimi u dërgohet:

- KESCO-s,
- Konsumatorit B.I dhe
- Arkivit të ZRRE-së.